

文淵閣

影印

四庫全書

影印

文淵閣四庫全書

第一三三五冊

北京出版集團公司
北京出版社

本册目次

文苑英華(三)

宋 李 昉等奉敕編……………一

欽定四庫全書

集部

文苑英華卷二百十三至

詳校官太僕寺少卿臣李廷欽

助教臣常循履勘

總校官進士臣朱鈴

校對官編修臣盧燧

謄錄監生臣王貽桂

欽定四庫全書

文苑英華卷二百十三

宋李昉等編

音樂二

歌舞附

歌二十一首

舞七首

歌妓四十三首

歌

歌

李嶠

漢帝臨汾水周仙去洛濱
郢中吟白雪梁上繞飛塵
響

欽定四庫全書

文苑英華卷二百十三

發行雲駐聲隨一作嬌子夜新願君聽扣角當自識賢臣

口號踏歌詞

張說

花萼樓前雨露新長安城裏太平人
龍銜火樹千重集作

燈焰雞踏集作上蓮花萬壽集作萬歲春

聽楊氏歌

杜甫

佳人絕代歌獨立發皓齒滿堂慘不樂
響下清虛一作浮雲

裏江城帶素月況乃清夜起老夫悲暮年
壯士淚如水

玉盆久寂寞金管迷宮徵勿云聽者疲
愚智心盡死古

來傑出士豈待一知己吾聞西秦音集作聲傾側天下耳

夜上西城聽梁州二首 李益

行人夜上西城宿聽唱梁州雙管逐此時秋月滿關山

何處關山無此曲

二

鴻鴈新從北地來聞聲一半却飛回金河戍客集作卒腸

應斷更在秋風百尺臺

聽赤白桃李花 前人

欽定四庫全書

文苑英華
卷二百十三

赤白桃李花先皇在時曲欲向西宮唱西宮宮樹綠

聽樂悵然自述 韓滉

萬事傷心對管絃一身含淚向春煙黃金用盡教歌舞

留與他人樂少年

與歌者何戡 劉禹錫

二十餘年別帝京重聞天樂不勝情舊人唯有何戡在

更與殷勤唱渭城

聽舊宮中樂人穆氏唱歌 前人

曾隨織女渡天河記得雲間第一歌休唱貞元供奉曲
如今一作當時

與歌者米嘉榮 前人

唱得梁州意外聲舊人唯數米嘉榮近來時世輕先輩
好染髭鬚事後生

與歌童田順郎 前人

天上能歌御史娘花前月底奉君王九重深處無人見

分付新聲與順郎

欽定四庫全書

文苑英華
卷二百十三

夜聞歌者 鄂州 白居易

夜泊鸛鵲洲秋江月一作江澄澈鄰船有歌者發調堪

愁絕歌罷繼以泣泣聲通復咽尋聲見其人有婦顏如

雪獨倚帆檣立娉婷十七八夜淚似真珠雙雙隨明月

借問誰家婦歌泣何悽切一問一沾巾集作襟低眉竟集作

終不說

臨臥聽法曲霓裳 前人

金磬玉笙調已久空集作牙牀角枕睡常遲蒙籠聞夢初

成後宛轉柔聲入破時樂可理心應不謬酒能陶性定

信作無疑起嘗殘酌聽餘曲斜背銀釵半下惟

聽歌

前人

管妙絃清歌入雲老人合眼醉醺醺誠知不及當年聽
猶覺聞時勝不聞

王將軍宅夜聽歌

于武陵

朱檻滿一作鋪明月美人歌落梅忽驚塵起處疑有鳳飛

來一曲聽初徹幾年愁暫開東南正雲雨不得見陽臺

欽定四庫全書

文苑英華
卷二百十三

聞歌

李商隱

歛笑凝時意欲歌高雲不動碧嵯峨我銅臺罷望歸何處

玉輦忘還事幾多青塚路邊南鴈盡細腰宮裏北人過

此聲腸斷非今日香燭燈光奈爾何

醉間聞甘州

薛逢

老聽笙歌亦解愁醉中因遣合甘州行追赤嶺千山外

坐想黃河一曲流日暮豈堪征婦怨路旁能結旅人愁

左綿刺史心先死淚滿朱絃催白頭

贈歌者

薛能

一字新聲一顆珠嚀喉疑是擊珊瑚聽時坐部音中有
唱後瓔花葉裏無漢浦茂聞虛解珮臨邛焉用枉當壚
誰人得向清樓宿便是仙郎不是虛

席上贈歌者

鄭谷

花木集作月樓臺近九衢清歌一曲倒金壺座中亦有一

是江南客莫向清風集作清風又作樽前唱鷓鴣

歌二首

司空圖

欽定四庫全書

文苑英華
卷二百十三

處處亭臺只壞牆軍營人學內人粧太平故事因君唱
馬上曾聽隔教坊

二

經亂年年厭別離歌聲無似太平時詞臣更有中興頌
磨取蓮峰便作碑

同前

王貞白

誰唱關西曲寂寞一作寥寥夜景深一聲長在耳萬恨重經

心調古清風起曲終涼月沉却應筵上客未必是知音

舞

舞

梁簡文帝

戚里多妖麗重娉一作燕餘逐節工新舞嬌態似陵

虛納花承禰垂翠逐瑞舒扇開衫影亂巾度履行踈

徒勞交甫憶自有專城居

同前

可憐二八物初學記作二八初逐節似飛鴻懸勝河陽

妓閣與淮南同行看復進轉面望鬟空腕動昭華玉

欽定四庫全書

文苑英華
卷二百十三

六

衫隨如意風上客何須起啼鳥曲未終

同前應令

劉遵

倡女多嬌色入選盡華年舉脫嫌衫重迴腰覺態妍情

繞陽春吹影逐相思絃履度開裙袂一作髮轉匝花鈿

所愁餘曲深為欲在君前

同前

王訓

新粧本絕世妙舞亦如仙傾腰逐韻管斂色聽張絃袖

輕風易入釵重步難前笑態千金動衣香十里傳持此

雙類聚作飛鷺定當誰可憐

同前

楊儼

紅顏自燕趙妙妓邁陽阿就行齊逐唱赴節閣相和折

腰送餘曲斂袖待新歌嘖容生翠羽慢類聚作曼睇出橫波

雖稱趙飛燕比比詎成多

同前

徐陵

十五屬平陽因來入建章主家能教舞城中巧畫粧低

鬟向綺席舉袖拂花黃燭送空邊影衫傳鈴公合集作鈴裏

欽定四庫全書

文苑英華
卷二百十三

七

香當筵好留客故作舞衣長集作裳

同前

庾信

洞房花燭明燕餘雙舞輕頓履隨疎節低鬟逐上聲伴

轉行初進衫飄曲未成鸞迴鏡欲滿鶴顧市應傾類聚作步

已曾天上學詎見類聚作是地中生

歌妓

夕出通波閣下觀妓

梁孝元帝

娥月漸成光燕姬戲小堂胡舞間齊閣類聚作湖鈴盤

出步廊起龍調節鼓却鳳點笙簧樹交臨舞席荷生夾

妓航竹密無分影花疎有異香提初學記孟時笑語歡

茲樂未央

和林下詠妓應令

梁孝元帝

日斜下北閣高宴出南榮歌清隨澗響舞影向池生輕

花亂粉色風篠雜絃聲獨念陽臺下願待洛川笙

同前

梁昭明太子

炎光向夕斂徙宴臨前池泉將影相得花與面相宜荒

欽定四庫全書

文苑英華
卷二百十三

聲如鳥嘒舞袖寫風枝歡樂不知醉千秋長若斯

武陵殿下看妓

劉孝綽

燕姬奏妙舞鄭女發清歌迴羞出慢臉送態表顰娥寧

殊遇行雨詎減見凌波想君愁日落集作落應羨魯陽戈

冬夜對妓

蕭放見初學記

佳麗盡時年合睽不能眠銀龍銜燭畏金鳳起爐煙吹

荒先弄曲調箏更撮絃歌還團扇後舞出妓行前絕代

終難及誰復數神仙

夜出妓

沈君攸

簾間月色度燭定妓成行迴身釧玉動頓履佩珠鳴低

衫拂髮影舉扇起歌聲匣中曲猶奏掌上體應輕

和趙王看妓二首

庾信

綠珠歌扇薄飛燕舞衫長琴曲隨流水簫聲逐鳳凰細

縷纏鐘格類聚作細圓花釘鼓床懸知曲不誤無事畏

周郎

二

欽定四庫全書

文苑英華
卷二百十三

長思浣沙疑作石定憶擣衣砧臨叩若有便一作使為說

解琴心

奉和趙王美人春日

庾信

直將劉碧玉來過陰麗華祗言滿屋裏併作一園花新

藤亂上格春水漫吹沙步搖釵梁動紅綸帔角斜今年

逐春處先向石崇家

侯司空宅詠妓

陰鏗

佳人遍綺席妙曲動鸚絃樓似陽臺上池如洛浦邊鸞

啼歌扇後花落舞衫前翠柳將斜日偏是類聚作晚粧

同前

劉 刪

石家金谷妓粧罷出蘭閨看花只欲笑聞瑟不勝啼山
邊歌落日池上舞前溪將人當桃李何處不成蹊

酬蕭侍中春園聽妓

李元操

微雨散芳菲中園照落暉紅樹搖歌扇綠珠佩初學記作飄

舞衣繁絃調對酒雜引動思歸愁人當此夕羞見落花

欽定四庫全書

文苑英華
卷二百十三

飛

和衡陽殿下高樓看妓

江 總

綺樓侵碧漢初日照紅粧絃心艷卓女曲調動周郎並

歌時轉黛息舞暫分香挂纓銀燭下莫笑玉釵長

夜聞鄰妓

盧思道

倡樓對三道吹臺臨九重笙隨山上鶴笛奏水中龍怨

歌聲不斷妙舞態難逢初學記作雙誰能暫留客解佩一相

從

衡陽王齋閣奏妓

虞 茂

金溝低御道玉管正吟風拾翠天津上迴鸞鳥道中鏡
前看月近歌處覺塵空今宵織女見言是望仙宮

和許給事善心戲場轉韻

薛道衡

京洛重新年復屬月輪圓雲間壁獨轉空裏鏡孤懸萬
方皆集會百戲盡來前臨衢車不絕夾道閣相連驚鴻
出洛水翔鶴下伊川艷質回風雪笙歌韻管絃佳麗儼
成行相携入戲場衣類何平叔人同張子房高城裏

欽定四庫全書

文苑英華
卷二百十三

髻我我樓上粧羅裙飛孔雀綺帶垂鴛鴦月映班姬扇

風飄韓壽香竟夕漁父

初學記作魚負

燈徹夜龍銜燭歡初學記作

笑無窮已歌吹還相續羌笛隴頭吟胡舞龜茲曲假

面飾金銀盛服搖珠玉宵深戲未闌競為人所謹卧馳

飛玉勒立騎前銀鞍縱橫既躍劍揮霍復跳九抑揚百

獸舞盤跚五禽戲狡狴弄斑足巨象垂長鼻青羊跪復

跳白馬回旋駛忽見羅浮起俄看鬱島至峯嶺既崔嵬

林叢亦青翠磨礪下騰倚猴猿或蹲跂金徒列舊刻玉

律動新灰甲萸垂陌柳殘花散苑梅繁星漸寥落斜月
尚徘徊王孫猶勞戲公子未歸來共酌瓊蘇酒同傾鸚
鵡杯普天逢盛日兆庶喜康哉

詠妓

陳子良

金谷多歡宴佳麗正

一作盡

芳菲流霞席上滿迴雪掌中

飛明月臨歌扇行雲接舞衣何必桃將李別有待春暉

和平涼公觀趙郡王妓

弘執恭

小堂羅薦陳妙妓命燕秦蛾

初學記作翠

眉凝假黛紅臉自

欽定四庫全書

文苑英華卷二百十三

主

含春合舞俱迴雪分歌共落塵齊竿不可厠空願上龍津

詠妓

王勣

妖姬飾淨粧窈窕出蘭房日照當軒影風吹滿路香早

時歌扇薄今日舞衫長不應令曲誤持此試周郎

益州城西張超亭觀妓

前人

落日明歌席行雲逐舞人江前飛暮雨梁上下輕塵冶

服看疑畫粧臺望似春高車勿遽返長袖欲相親

辛司法宅觀妓

前人

南國佳人至北堂羅薦開長裙隨鳳管促柱送鸞杯雲
光身後落雪態掌中回到愁金谷晚不惟玉山頽

天津橋上美人

駱賓王

美女出東鄰容豫上

集作與在

天津整

集作動

衣香滿路移步

襪生塵水下看粧影眉頭畫月新寄言曹子建箇是洛

川神

戲贈趙使君美人

杜審言

紅粉青娥映楚雲桃花馬上石榴裙羅敷獨向東方去

欽定四庫全書

文苑英華卷二百十三

主

謾學他家作使君

觀妓詠和舞

張

諤

一作鵝

半額畫雙蛾盈盈燭下歌玉杯寒意少金屋冶情多香

艷王分帖裙嬌勅賜羅平陽莫相妬喚出不如他

五日觀妓

萬楚

西施謾道浣春沙

疑作紗

碧玉今時鬪麗華眉黛奪將萱

草色紅裙妬殺石榴花新歌一曲令人艷醉舞雙眸斂

鬢斜誰道五絲能續命却知今日死君家

在水軍宴章司馬樓船觀妓 李白

搖曳帆在空清流順歸風詩因鼓吹發酒為飲歌雄對
舞青樓妓雙鬟白玉童行雲且莫去留醉楚王宮

邯鄲南亭觀妓

前人

歌妓

集作

燕趙叟

集作

魏妹

集作

弄鳴絲粉艷

月彩

集作

清

色日彩

舞衫拂花枝把酒顧美人請歌邯鄲詞淨

集作

箏何繚繞度曲綠雲垂平原君安在科斗生古池座客

三千人于今知有誰我輩不作樂但為後代悲

欽定四庫全書

文苑英華
卷二百十三

古

攜妓登梁王栖霞山蓋

集作

氏桃園中

前人

碧草已滿地柳與梅爭春謝公自有東山妓金屏笑坐

如花人今日非昨日明日還復來白髮對綠酒強歌心

自

集作

摧君不見梁王池上月昔照梁王樽酒中梁王

已去明月在黃鸝愁醉啼春風分明感激眼前事莫惜

醉臥桃園東

出妓金陵子呈盧六

前人

安石東山三十春傲然携妓出風塵樓中見我金陵子

何似陽臺雲雨人

同前

南園新豐酒東山小妓歌對君君不樂花月奈愁何

詠歌容娘

常非月

舉手整花鈿翻身舞錦筵馬圍行處匝人簇看場圓歌
索齊聲和情教細語傳不知心大小容得許多憐

王家小婦

崔顥

欽定四庫全書

文苑英華
卷二百十三

主

十五嫁王昌盈盈入畫堂自矜年最小復倚墻為郎舞

愛前溪綠歌憐子夜長閒來鬪百草度日不成粧

岐王席觀妓

前人

二月春來半王家日漸長柳垂金屋暖花發玉樓香拂
匣先臨鏡調笙更炙黃長將欲舞態只擬奉君王

陪辛大夫西亭宴觀妓

劉長卿

歌舞憐

集作

連

遲日旌麾

集作

映早春鶯窺隴西將花對

洛陽人醉罷知何事恩深忘此身任他行雨去歸路裏

輕塵

揚州雨中張十七宅觀妓

張謂

夜色帶春煙燈花拂更然殘粧添石黛絕一作舞落金

鈿掩笑頻歌扇迎歌乍動絃不知巫峽雨何事海西邊

開府席上賦得詠美人名解愁 盧綸

不敢苦相留明知不自由顰眉乍欲語歛笑又低頭舞

態無豈醉歌聲似帶羞今朝總見地只守解人愁

和王秀才傷歌妓見詩三百五卷

溫庭筠

欽定四庫全書

文苑英華
卷二百十三

十六

周員外出雙舞柘枝妓

張祐

畫鼓拖環錦臂攘小娥雙換舞衣裳金絲塵霧紅衫薄

銀蔓垂花紫帶長鸞影乍迴頭並集作舉鳳聲初歇翅

齊張一時折腕招殘拍斜紋輕身拜玉郎

文苑英華卷二百十三

欽定四庫全書

文苑英華卷二百十四

宋 李昉等 編

人事一

宴集六十七首

同集晉安兒宅

劉孝綽

夫君追宴喜十日遞來過築室華池上開軒臨菱荷方

塘交密篠對雷接繁柯景移林改色風度類聚水餘波

洛城雖半集作掩愛客待驪歌

欽定四庫全書

文苑英華
卷二百十四

一

後園宴樂

魏收

束馬輕燕外獵雉陋秦中朝車轉夜轍仁旗指旦風式

宴臨平圃展衛寫屠宮積崖疑造化導水逼神功樹靜

歸烟合簾疎返照通一逢堯舜日未假北山叢

月下秋宴

前人

此夕甘言宴月照露方塗使星疑向蜀劍氣不關吳良

交契金水上客慰萱蘇何必應劉革還來遊鄴都

齊韋道遜晚春宴

邢子才

日斜賓館晚風輕麥候初簾喧巢幕鷺池躍戲蓮魚石
聲隨流響桐影傍嚴疎誰能千里外獨倚八行書

羣公高宴

楊訓

中郎數奏罷司隸坐朝歸開筵引貴客饌玉對春暉塵
起金吾騎香逐令君衣綠酒犀為梳鳴琴寶作微寸陰
良可惜千金本易揮

後園宴

盧思道

嘗聞崑閭有神仙雲冠羽佩得長年秋夕風動三珠樹

欽定四庫全書

文苑英華
卷二百十四

二

春朝露濕九芝田不如鄴城佳麗所玉樓銀閣與天連
太液回波千丈映上林花樹百枝燃流風續洛渚行雲
在南楚可憐白水神可念青樓女便妍不羞澀遙艷工
言語池苑正芳菲得戲不知歸媚眼臨歌扇嬌香出舞
衣纖腰如欲斷側髻似能飛南樓日已暮長簷鳥應度
竹殿遙聞鳳管聲虹橋別有羊車路携手傍花叢徐步
入房櫳欲眠衣先解半醉臉逾紅日日相看轉難厭千
嬌萬態不知窮欲知妾心無劇已明月流光滿帳中

後渚置酒

陳叔達

大渚初驚夜中流沸鼓鞞寒沙蒲曲浦夕霧上耶溪岸
廣鳬飛急雲深鴈度低嚴關猶未遂一作遠此夕待晨雞

夏晚尋于政世置酒賦韻

陳子良

聊從嘉遁所酌醴共抽簪以茲山水地留連風月心長
榆落照盡高柳暮蟬吟一反桃源路別後難追尋

冬日宴于庶子宅各賦一字得趣

令狐德棻

欽定四庫全書

文苑英華
卷二百十四

三

高門聊命賞羣英於此遇放曠山水情留連文酒趣夕
煙起林蘭霜枝殞庭樹落景雖已傾歸軒幸能駐

賦得盃

于志寧

陋巷朱軒擁衡門綬騎來俱裁七步詠同傾二雅盃色
動吟春柳花發犯寒梅賓筵半未醉驪歌不用催

賦得鮮

劉孝孫

解襟遊勝地披雲促宴筵清文振筆妙高論寫言泉凍
柳含風落寒梅照日鮮驪歌雖欲奏歸駕且留連

賦得歸

許敬宗

倦遊嗟落拓

集作拓落

短翮暮追飛周醪忽同醉牙絃乃共

揮油雲澹寒色落景霽霜霏累日方投分茲夕諒無歸

賦得平

岑文本

金蘭篤惠好樽酒暢生平既欣投轄賞暫緩望鄉情愛

景含霜晦落照帶風輕於茲歡宴洽寵辱詎相驚

賦得節

杜正倫

李門余妄進徐榻君恒設清論暢玄言雅琴飛白雪寒

欽定四庫全書

文苑英華
卷二百十四

雲暖落景朔風淒暮節方欣投轄情且駐當歸別

賦得色

封行高

夫君敬愛重歡言情不極雅引發清音麗藻窮調飾水

結曲池水日暖平亭色引滿既盃傾終之以并側

上巳浮江宴韻得遙

王勃

披觀玉京路駐賞金臺趾逸興懷九仙良辰傾四美松

吟白雲際桂馥清谿裏別有江海心日暮情何已

此篇題得

遙字而詩押美字按歲時雜詠及本集自有遙字韻詩今錄于後

上巳年光促中川興緒遙綠齊山葉滿紅洩片花銷泉

聲喧後澗虹影照前橋遽悲春望遠江路積波潮

聖泉宴韻得泉

前人

披襟乘石磴列席俯春泉蘭氣薰山酌松聲韻野絃影

飄垂葉外香度落花前興洽林塘晚重岩起夕煙

春日宴樂遊園賦韻得接

前人

帝里寒光盡神臯春望浹梅郊落晚英柳甸驚初葉流

水抽奇弄崩雲灑方牒清鍾湛不空暫喜平生接

欽定四庫全書

文苑英華
卷二百十四

三月曲水宴得舒

疑詩中却押園字

盧照隣

風煙彭澤里山水仲春園由來弃銅墨本自重琴樽高

情邈不嗣雅道今復存有美光時彥養得坐山樊門開

芳杜徑室拒桃花源公子黃金勒仙人紫氣軒長懷去

城市高詠狎蘭蓀連沙飛白鷺孤嶼嘯玄猿日影巖前

落雲花江上翻興闌車馬散林塘夕鳥喧

和前得煙

王勃

彭澤官初去河陽賦始傳田園歸舊國詩酒間長筵列

室窺丹洞分樓瞰紫煙縈回亘津渡出沒控郊鄺鳳琴

調上客龍轡儼羣仙松石偏宜古藤蘿不記年重簷交

密樹復磴擁危泉抗石晞南嶺乘沙渺北川傳巖來策

處礧礧入釣前日斜真興遠幽楚思涼蟬

宴梓州南亭得池

盧照隣

貳條開勝迹大隱叶冲規齋閣分危岫樓臺繞曲池長

薄秋煙起飛梁古蔓垂水鳥翻荷葉山蟲交桂枝遊人

惜將晚公子愛忘疲願得回三舍琴樽長若斯

欽定四庫全書

文苑英華
卷二百十四

六

初秋登王司馬樓宴賦得同

駱賓王

展驥端歸暇登龍喜

集作嘉

宴同締賞三清滿承恩六義

通野晦寒雲

集作陰

積潭虛秋

集作夕

照空顧慙非夢鳥濫

此則雕蟲

春夜韋明府宅宴得春

前人

酌桂陶芳夜披薜笑幽人雅琴馴野

集作魯

雉清歌落梁

集作范

塵宿雲低迴蓋殘月下

集作上

虛輪幸此蒙

集作承

恩

洽聊當故鄉春

冬日宴

前人

二三物外友一百杖頭錢賞洽袁公地情披樂令天促

席鸞觴滿當爐獸炭燃何須攀桂樹逢此自留連

初秋宴得風

一作于賓
六宅宴

前人

千里風雲契一朝心賞同意盡通家合

集作深

神靈俗

累空草砌

一作帶

銷寒翠花缸斂

集作枝發

又作疎斂

夜紅唯將淡

若水長揖古人風

夜飲東亭

宋之問

欽定四庫全書

文苑英華
卷二百十四

七

春水

集作泉

鳴大壑皓月吐層岑岑壑景色佳慰我遠遊

心間芳足幽氣驚棲

集作嘶

多衆音高興南山吟長謠橫

素琴

春日宴宇主簿山亭得寒字

前人

公子正邀歡林亭春未闌攀巖踐苔易迷路出花難窅

覆垂楊暖階侵瀑水寒帝城歸路直流興接駕鸞

春日鄭協律山亭陪宴餞鄭卿同用樓字

前人

潘園枕郭郭愛客過相求樽酒東城外駢驂南陌頭池

平分洛水林缺見高丘暗竹侵山逕垂楊拂妓樓彩雲

歌處斷遲日舞前留此地何年別蘭芳空自幽

同劉給事城南宴集

前人 一作張說

水竹幽閒地簪纓近侍臣雍容乘暇日蕭洒出簷塵樹

長栖集作足思朋鳥池深入養鱗管絃高逐吹歌舞妙含春

老子叨專席歡遊隔縉紳此中情不淺遙寄賞人心

岳州宴別潭州王熊

前人

欽定四庫全書

文苑英華
卷二百十四

縉雲連省閣溝水遽西東然諾心猶在容華歲不同孤

城臨楚塞遠樹入秦宮誰念三千里江潭一老翁

幽州夜飲

前人

涼風吹夜雨蕭瑟動寒林正有高堂宴能忘遲暮心軍

中多集作宜劍舞塞上重笳音不作邊城將誰知恩遇深

鳳閣尋勝地

前人

西掖持醇酒東山就白雲開軒綠池映命席紫蘭芬舞

度花為伴鶯來管作羣太平多樂事春物共氛氲

定昆池奉和蕭令潭字韻 前人

暮春三月日重三春水桃花滿襖潭廣樂逶迤天上下

仙舟遙行鏡中酣

藥園宴武輅沙將軍得洛字 前人

東地垂餘興南園宴清洛文學引王枚歌鐘陳衛霍風

高大夫樹露下將軍藥待聞出塞還丹青上麒麟

奉蕭中令酒并詩 前人

樂奏天恩滿盃來秋興高更蒙蕭相國對席飲醇醪

欽定四庫全書

文苑英華
卷二百十四

廣州蕭都督入朝過岳州宴餞得冬字

前人

孤城抱大江節使往朝宗果是臺中舊依然水上逢京

華遙比日疲老嫗如冬竊羨能言鳥銜恩向九重

夕宴房主簿舍 前人

歲晏關雎空風急河渭水薄遊羈物役微向怯集作悵遠

憑旅館月宿水間扁雲思興伊人美思集作脩夜朋酒惠

來稱交談既清雅琴吟亦淒凝不逢君騫馭集作蒙憂思

長鬱蒸

岳州宴姚紹之

前人

杞梓滯江濱光華白日新
難兄金作友媚子玉為人
山水含秋興池亭借善隣
蒼松風送靜院竹鳥來馴
翠葦催集作吹黃菊
瑤盤繪紫鱗緩歌將醉舞
宜集作為拂繡衣塵

脩書學士奉勅宴梁王宅得樹字

前人

欽定四庫全書

文苑英華
卷二百十四

十

虎殿成鴻業猿巖題鳳賦
既荷大君恩還蒙小山遇
秋吹凝絃管涼雲生竹樹
共惜朱邱歡無辭洛城暮

秋社日崇讓園宴得新字

蘇題見雜詠

鳴爵三農稔勾龍百代神
運昌叨輔弼時報喜黎人樹
缺池光近雲開日影新生
全應有地長願樂交親

寒食宴于中舍別駕兄弟宅 前人

子推山上歌龍罷定國門前
納駟來始觀元鷗鏘玉至
旋聞季子佩刀回晴花處處
因風起御柳條條向日開

自有長筵歡不極還將一作持彩服詠南陔

天津橋東旬宴得歌字

張九齡

清洛象天河東流形勢多
朝來逢宴喜春盡却妍和
泉繡歡時躍林鶯醉後歌
賜恩頻若此為樂今奈何

集作奈何

雲陽驛陪崔使君仰道士夜宴 張子容

一尉東南遠誰知此夜歡
諸侯傾皂蓋仙客整黃冠
染翰燈花滿飛觴雲氣寒
欣承國士遇更借美人看

濟州過趙叟家宴

王維

欽定四庫全書

文苑英華
卷二百十四

十一

雖與入境接閉門成隱居
道言莊叟事儒行魯人餘
深巷斜暉靜閒門高柳疎
荷鋤脩藥圃散帙曝農書
上客搖芳翰中廚饋野蔬
夫君第高飲景晏出林閭

與盧象集朱家

前人

主人能愛客終日有逢迎
貫得新豐酒復聞秦女箏
柳條疎客舍槐葉下秋城
語笑且為樂吾將達此生

宴越府陳法曹西亭

孫逖見集本

公府西巖下紅亭間白雲
雪梅初度臘煙竹稍迎曉
水